

Nunatsinni Nakorsaaneqarfik

Angajoqqaanut paasissutissiissut

Ulluni pingasuni kissarneqarneq

Ulluni pingasuni kissarneqartoqarsimammatt ilitsersuut atuaruk meeqqallu nappaammut ersiuteqarpat sulisut tamatuminnnga ilisimatikkitt.

Nappaat tappiorannartunik virus-inik patsiseqartoq meeqqanit affarmiit pingasunik ukiulinnit atugaagajunnerusarpoq. Meeqqat tamangajalluinnarmik sulii pingatsiisinnatik tunillatsittarput.

Tunillatsinneq

Tunillatsereernerme inuunerup sinnerani ilaanneeriarluni qiseq virus-inittarpoq. Assaat atortulluunniit qisermik mingutsinneqarsimasut aqutugalugit tunillaattarpoq. Meeqqat amerlanersaat angajoqqaaminnit qatanngutiminnilluunniit angajulliunerusunit tunillanneqartarput. Meeqquarivinni ulluni pingasuni kissarneqartarneq qaqtuguinnaq nappaalassutaasarpoq.

Nappaammut ersiutit

Nappaat tassanngaannaq kissarneqaleriataarnermik aallaqqaateqartarpoq. Ullut marluk sisamallu akornanni kissarneq 39° C missaaniittarpoq meeqqalli nalinginnaasumik peqqissusaa annertunerusumik sunniivigineqassanani. Kissarnerup appariartornera ilutugalugu, timi aniorinittarpoq. Aniornerit toornertut mikisutut isikkullit aappalunguserlutik asingasut qungatsimut niaqqumullu siaruaassinnaapput- timili aniorneqarnerusarluni. Aniornerit ullup ataatsip marlulluunniit missaasa qaangiunnerini aanngartaput meerarluk peqqissisarluni. Arlalippassuartigut aniorninittoqarneq ajorpoq taamaattoqartillugulu nappaat ulluni pingasuni kissarneqarnertut suussusersineqarneq ajorpoq. Kissarneqarnermi noqartarneq kingunerluutaagajuttuuvoq.

Tunillatsinnermiit napparsimalernissap tungaanut sivilissusaa: Sap. ak. 1-2.

Nakorsartinneq

Nappaat nakorsarneqarsinnaanngilaq pitsaaliornissaalu pisariaqarani.

Meeqquarivimmukaqqinnissaq

Meeraq peqqissipat.